

四庫全書

集部

欽定四庫全書

集部
南邨詩集卷二

詳校官庶吉士臣龍廷槐

中書臣劉源溥覆勘

總校官庶吉士臣倉聖脉

校對官典簿臣劉景岳

謄錄監生臣沈毓鳳

欽定四庫全書

集部六

南村詩集

別集類五明

提要

臣等謹案南村詩集四卷明陶宗儀撰宗儀有國風尊經已著錄是編毛晉嘗刻入十元人集劉體仁七頌堂集有與張實水尺牘稱讀史不載陶南村竊謂此君靖節一流人今考十元人集內如倪瓚顧阿瑛亦皆親見新

朝然瓚遁跡江湖阿瑛隨子謫徙未沾明祿
自可附朱子綱目陶潛書晉之例宗儀則身
已仕明孫作滄螺集中有陶九成小傳可證
晉仍列之元人非事實矣觀集中洪武三十
一年皇太孫即位詩曰老臣忤舞南村底笑
對兒孫兩鬢霜則宗儀臣明原不自諱又集
中三月朔日至都門二日早朝三日率諸生
赴禮部考試十日給賞十一日謝恩諸詩即

明史本傳所謂洪武二十九年率諸生赴禮部試時作也是又豈東籬采菊之人所肯為之事又何必曲相假借強使與栗里同稱乎是集不知何人所編考其題中年月及詩中詞意入明所作十之九惟饒歌鼓吹曲諸篇似為元時作耳其編次年月頗為無緒殆雜收遺稿而錄之未遑銓次又顧阿瑛玉山草堂雅集所載澂懷樓七律一首送殊上人七

律一首皆不見收知非宗儀自編也毛晉品
其詩如疎林早秋殊不甚似然格力道健實
虞楊范揭之後勁非元末靡靡之音其在明
初固屹然一巨手矣乾隆四十三年九月恭
校上

總纂官臣紀昀臣陸錫熊臣孫士毅

總校官臣陸費墀

欽定四庫全書

南邨詩集卷一

明

陶宗儀

撰

永思堂詩為董仲資作

子之於親思無不至生育恩深與天地媿一別千古終
養莫遂永言孝思曷有既爰陟我岵爰陟我岵瞻望
莫及心焉如燬露雨降濡春秋收履悽愴怵惕感時撫
已居處笑語志意樂耆書冊栝棬手口澤氣食而羹只
居而牆只如將見之愛慤並致我身之存親為不死豈

敢一日忘迺所自思繼其志思述其事思貽令名作則
錫類奕奕高堂與乎百世名堂者誰繫仲資氏子孫繩
繩衍休委祉方來之思有引勿替

鐃歌鼓吹曲二章

至正丙午夏秋之交彌月不雨民以菑告錢塘
張野賓者得法於靜樂君禱輒有應時留松江
郡父老請建壇城北門翼日乃雨士大夫作為
文章歌咏以美之因製漢鐃歌鼓吹曲二首云

屢豐年上帝閔農也帝德好生易苗為祥焉

屢豐年羣生熙癘我早寧怨咨星火烈螟螣滋苗而不
秀歲且薦饑精誠格天聽允惟念之命幽靈擊妖魑龍
膺捷疾先後馳金精流光淫虹糜四溟黻黷甘雨時積
水彌九野稔而可期不殄禋祀上帝是祈

早既甚張君闡化也君積功累行有禱而天應
之

早既甚金石流苗恙槁民煩憂疇能祈天致天雨曰惟

張君驗之屢雩壇長跪恭進詞黑札玄文啟雷祖開陽
縱陰理則然叱電鞭霆一何武暘烏鬱光祝融奔淵龍
起蟄商羊舞甘澤及我私田里長驩娛擊壤歌至正厥
功匪君誰

擬古用陸國隱韻

古人重節義出處益弗苟而我何為者南北事奔走惻
惻懷故里去去成老醜富貴不可期聊以酌我酒

其二

浮雲蔽頽陽
涼颼謝繁綠
氣化相尋繹
百歲一何速
達人意有在
豈復傷局促
且持盃中物
對此籬下菊

其三

王風萎衰周人紀
壞狂秦大樸變
哇淫雕蟲蠹天真
迢迢百世下
禮樂就沈淪
尼父不復作
聖道詎能新

郊居次韻張善初

南邨有遺逸
白首軫黎元
平生厭趨競
甘分老丘園
未知軒冕貴
但識網常尊
匪敢異流俗
亦云道所存
縱酒

破愁壘煮茶資詩魂仰見衝霄鳥剡剡脫塵樊俯憐縱
壑魚戢戢含愁冤懷哉鹿門龐以安遺子孫苟可脫世
慮何辭農事繁深衷誓無渝持此與誰論

憫鶴次韻顧語谿

豪家闕池館千金買猿鶴青衣職糲糧雕籠塗粉腹客
有芝田生飛佩風前落清類春水鷗奮若秋天鶚偶觸
虞羅機遂失雲松樂翻懷丁令威流睇青山郭不乘衛
公軒詎中唐帝綴滄海幾揚塵丘陵或為壑主翁載馳

驅高情漸衰薄俄然憂患來難以談笑卻玉帛奚足云
繁華頓成昨宗族永參商妻孥苦凌虐出獄攜敝裘徒
邊無遠索而汝混芻豢編名從寄泊鍛翻并州刀驚夢
周廬柝長鳴聊自悲俛啄亦云忤雖愁蕙帳空莫厭雞
羣惡念彼遠行人視此更離索淚落返哺鳥愁對青城
崔安能招汝游吹笙上寥廓

洪武癸丑八月二日與諸暨趙用賓黃漢章趙自
立江陰孫大雅大年丘宗岱程傳可同遊鍾山

分韻得落字

鍾山毓靈秀寶坊炫丹腹王氣接闐闔冷飈洒巖壑泉
球石罅鏘松籟空中落吐詞極名理摘藻騁奇作嘉會
難重期斯游諒云樂矢言謝驚煩永志在寥廓

游查山分韻得日字

雪後天象清維時月初吉三老山中居杖藜乘興出總
訝神仙流衣冠魚散逸叩我東家門造我讀書室主人
重留連開尊叙真率傾寫間別懷氣誼等膠漆送別河

梁上悵然若有失快行莫遲遲猛虎嗥落日

戊寅正月四日紀實

臘月廿八日風起東南方歲行在丁丑氣候異尋常和
煦過於春入夜風怒狂廿九日禺中蟬竦衆龍章或雨
而或晴至晚天昧茫隱隱雷發聲燭燭電流光狂風轉
西北徹夜吐寒銍除夕猶未息地凍萬木僵正旦興啟
扃雪積二寸強三冬未曾覩對之神肅爽九朝方是春
亦可紀嘉祥老農乃見謂夏秋旱相望二日三日來風

力轉披猖四日值壬子晴朗開孟陽嘗讀通政經冬雷
未為臧十旬要陰晦民庶有苗殃載憶變異錄尤覺熱
中腸禾稼不稔熟喪亡起饑荒華亭連二禡旱澇苦莫
當口食不暇給奔走營餽饗上帝必閔念爾農勿憂惶
雨風順以調萬姓保安康

己卯人日

元日至人日未有不陰時甫也昔所云屢驗信弗疑今
歲異常歲萬口稱稀奇一晴連七朝春氣即盎而輕烟

散微暄麗日流祥暉谿山逞德色草木帶光輝羊猪狗
雞利馬牛被郊畿民物鮮疵癘禾稼其蕃滋天子居大
寶念民日孜孜上帝昭聖心報錫以雍熙水旱不為虐
雨風常適宜四方習禮樂八表底清夷古道曾弗泯薄
俗還可移賊貪強黠徒廉正當自持慈愛撫幼小孝弟
奉期頤斯理乃必然蠢爾蓋未知我生頭雪白何幸身
見之但願飽喫飯百歲遠為期

聽輔師彈南薰



深邨隔疎雨一塵飛不到輔師抱古琴叩門忽遠造解
囊理冰絲下指即高妙涓涓流水心楚楚南風操聲希
意自足味淡趣自奧別去殊可人谿頭送清嘯

紀行

弭櫂中和橋僦舍千步廊報名謁鴻臚會朝造鵷行國
安四方靜君明六卿良聖德湛汪濊慶祚衍靈長退率
二三子躋彼容臺堂應試式中考青衿解趨蹌寢處不
暇逸倏爾十日強賞謝既已竟迺遂戒趣裝挈書別居

停驗符來正陽門籍甚昭著門吏更審詳左入而右出
御道在中央張拱謹步驟寧敢相頡頏俄然豁塵眸紅
杏映綠楊琳宮閼神樂寶殿祠玉皇

關

馬川

馭有房周覽日未曛放船漫翔洋有客留且住燒燭羅
酒漿語笑忘夜分月白露氣涼晨興未果別叩關過上
方上方距方山駐望路渺茫沙河走其下水淺可濫觴
行行莫能前恨弗凌雲翔展轉烏鵲矻滯礙了不妨迤
邐廣通鎮長流浩湯湯長風力健順舟子意激昂畫鷁

金八
卷一
噴巨浪輕帆挂危檣篋篋絨賜金照耀發寵光橐囊貯
齎糧往返迪吉康茲行非浪游素願誠我償計程七百
里便可還寓鄉兒女出門迎童稚列兩傍膝下問起居
歡樂諒非常

秋懷次戴景仁韻

商飈解殘暑南邨生早涼弄琴理書帙雅思一何長衰
蓮送餘馥叢桂吐幽芳泉清茶鼎潔簟細石牀方人生
能有幾孰可駐流光顏鬢漸衰改事業終荒唐既無俗

累縈所喜心
凱康眠早起
常晚肯與世
匆忙春來喧
鳥雀秋至響
蛩蛩萬化相
尋繹寒暑去
堂堂非是總
不營有酒即
舉觴日夕歡
一醉身世兩
都忘

雜詩

顛倒持太阿
乃以柄授人
人或怨惡寧
不傷吾身喟
彼秦二世委
政託姦臣指
鹿以為馬非
是孰敢云願
言把劍者名
器宜自珍

酷暑謠

庚辰六月十日至
廿三日酷暑可畏

火雲萃律火龍劣火星熒煌火光泄田疇龜坼土鱗皴
海波鼎沸泉脈竭直疑天地作紅爐黃金可銷石可裂
年年三伏暑固隆未有今番如此熱兀坐渾如墮甑中
又類餘酲共羈縻支脢放肆倦舉舒舌呿莫持嬾言說
霑賜誰能玉井冰消煩欲踏蓬婆雪農夫農婦有死者
道上行人多病渴邊庭將士其奈何缺甲銅盔汗流血
願祈甘雨洗炎歊普為民心蠲蘊結

折楊柳送夏西疇謫居大梁

折楊柳贈君別楊柳未折心已折丈夫落落志四方到
此誰能不嗚咽江南九月天雨霜雁聲墮地秋風長出
門行行幾千里寒烟落日增離傷令嚴獨許攜家室藤
笈編花載書帙可憐身上千金裘阿彌手縫鍼線密吾
聞中原百戰餘民物鮮少城邑虛君去結廬得幽勝便
可小擬西疇居荆秦塞路猛虎伏鬪髀如山冤鬼哭願
言緩轡毋疾驅疾驅恐防傷馬足折楊柳歌苦詞呼酒
酌君君莫辭黃河之水東南馳人生會合還有時

莫春謠奉和正齋承旨韻

風颭颭雨蕭蕭東皇促駕車載膏墮紅殘萼芳草深媽
香壓地膩不消繡屏寒逗熏沈腦愁重燕支倦梳掃玉
關萬里人未歸風雨一番春又老

題趙魏公秋林曉行圖

疎林慘淡月欲墮嫋嫋哀猿啼一箇橋危霜重白於銀
塞驢行澀輕蹄破魏公人品世莫儔平生快意居庸游
戲將丹青寫八法西風黃葉江南秋功名到手辭未得

玉帶金魚疲峻陟他季解印賦歸來濯纓亭下鷗波碧

風

蘇湖嘉興松江昆陵諸處皆然
後聞湖廣江西亦同浙東尤甚

洪武丁卯閏月終暴風忽從鬼戶作故人不來君子藏
巽二踴躍蜚廉惡或噓或嘯或怒號匪雄匪剛匪羊角
倒掀渤解鼓雷霆簸蕩堪輿撼山岳萬頃嘉禾盡偃如
十圍古樹猶拔却塙輪震墮聲鏗鉤屋瓦亂飛勢揮霍
鳥雀驚仆渾已僵虎豺戰慄如可縛萬民失色一翁云
八十七年無此若小齋斗大容老夫斜雨敲窗打牀脚

徑侵衣被及琴書毒甚卷茅欺我弱何不廣莫掃兵塵
何不仲夏驅炎熇尚憶當年歌漢皇普天率土皆安樂

題李州銘所藏毛澤民山水

竹雪子能盡山醉來解衣盤礴羸筆力甚似荆與關
版甃橋西惜懂樹灰堆峰前鴨嘴灘夕霏翳壑氣掩靄春
瀑出澗聲潺湲遠岫離離斷復連湘娥綰結風前鬟若
非子真谷口宅定有太一玄都壇竹雪子玉筍班面帶
河朔氣態度美且嫺鳥跡印沙文錯落蝸涎行壁勢回

環物物本然具畫理妙處豈在鐫琢間脫畧畦町掃邊
幅八法默契烏絲闌寸楮片縑亦可愛令人咫尺思躋
攀此圖忽落李君手時復把看多歡顏老余撫景感真
游清盟題詩卷送還

題江山萬里圖

滾滾長江出全蜀一派波濤瀉寒玉天設巨壑鴻濛先
厥德靈長紀南服濫觴岷松畧已梁分源岨崕走豫章
吐吞沅澧引沱滢包括洞庭納鄱陽玉壘蛾眉兩旁礪

石鏡武擔連劍閣合江西頭萬里橋漢使入吳曾駐泊
丈人拔地高青城翠浪起伏勢東傾雪山去此知幾許
一覽如隔芙蓉坪丞相祠前森老柏支機石在君平宅
浣花溪碧草堂幽越王宮殿成狼籍中岩林泉嘉處多
相傳嘗栖諾詎那慈姥老龍亦共止岩阿小寺埋薜蘿
渡瀘亭對諸夷路尚疑果從何處渡魚復浦中八陣圖
前後縱橫經緯布灑灑撒髮怒莫嬰黑石獰惡茶槽并
巫峽之險復愈此凝真觀前如震驚十二峰巒羅翥鳳

船過神鴉管迎送吒灘直接歸州灘自昔號為人鮓窰
黃牛廟睇黃鶴樓雲夢澤通鸚鵡洲赤壁臨臬纔尺咫
琵琶亭下蘆花秋匡廬雄尊五老立大孤小孤遙旅揖
彭浪磯前即馬當九華采石青戢戢鍾阜龍蟠奠九州
石頭虎踞當長流北固紆徐缺窰堅金焦兩點浮漚猶
春申墓陰鵝鼻嘴角力狂瀾障厓趾烟水瀾漫豁海門
亘古朝宗從此始彼美畫師儒林英天機所到隻眼明
拂拭素繭掃玄藩閉戶不聞風雨聲老夫平生山水癖

白首臥游還歷歷客持卷軸請我觀題詩聊復識時昔
送李孝廉至剛之京

鄜州同知我鄉友氣誼不啻金蘭如異縣交游四十載
汗血復見名家駒雄姿逸態乃若是濯濯春風一端綺
六籍諸史蟠心胸自分身名已千里至尊在御日萬幾
宵衣旰食憂羣黎宣集者農至闕下能者受任否者歸
歸給尺簡錄諭語方正賢良聽推舉邑邨爭以名姓聞
生丁昌運天玉女唳鶴灘頭江水秋雞鳴起柁逐前儔

霄漢縱高從此上林泉雖好莫能留朝廷禮士邁古昔
除擢那能限資格涓埃報效盡忠純慎勿貪欺傾厥職
廉能總稱先府君聲華軌範有持循補袞當師仲山甫
作霖期嗣商巖人銀河斜墮月欲入晨光熹微候蟲急
雙瓶酒盡惜睽離衫袖嫋嫋淚花溼

中秋不見月歌

青桐蕭索逗疎雨河漢雲流繭抽緒岩桂古香吹不起
絡緯亂啼蛩語語曾軒四敞谿前頭犀押簾箔齊上鉤

織阿御輜如走馬一年轉矚又中秋銅壺水滴聲聲度
嬋娟苦被頑陰妒寶匳慵啟冰鑑韜玉宇瑤樓隔寒素
升沈圓缺恒有時今夕何夕乃若斯欲接清輝徒悵悵
相看動是隔歲期疇能掃之鸞尾帚白兔擣藥銀蟾守
老子婆娑興未闌蠟光高張照尊酒

聽琴行

樂經焚滅樂律亡樂器不純樂師瞽獨有羲農所制琴
位置森嚴尚存古體修三尺六寸奇負陰抱陽函四時

上圓下方法天地前廣後殺明尊卑沈檀岳尾犀象足
徽鑄黃金軫雕玉繭絲素絃抽鳳筋髹漆斷紋剝蛇腹
有時漫鼓一再行冷泉出澗水崢嶸清鬆脆滑五調協
和樂適怨憂傷并岐山戔戔周所起帝眷拘幽商不祀
兒寒兒飢兒履霜殘形占夢巫咸死狄水弗涉行將歸
時不我邁蘭猗猗龜之大兮魯之奄越裳來庭德孔施
南熏化被民財阜杏壇教流渾未朽春江滾滾禹門遙
巴蜀雪消綠於酒凌虛御風飛仙猶廣寒宮闕三郎游

霓裳羽衣天上譜陽春白雪還能訓明妃出塞辭漢主
獨抱琵琶淚如雨文姬心事果紛紜拍拍胡笳兒女語
白雉朝飛挾兩雌老烏夜啼傷遠離嗟哉無傳廣陵散
別鵠未作妻苦悲長清短清彈一過長側短側要安挫
三弄梅花畫角哀鶴鳴九臯其子和栩栩蘧蘧蝶夢闌
起讀離騷身佩蘭大雅不作哇淫滋隱德忘機鷗共閒
漁翁汎汎滄浪艇瀟湘水雲千萬頃何似山居吟嘯日
樵歌響答烟霞暝短帽輕衫美丈夫觀光上國車騎都

風雷震盪比豪俠酒酣擊劍歌鳴鳴改絃別奏清商曲
秋鴻飛雲聲斷續悲風颯颯皎月流欸乃悠揚疑擊筑
修真理性反天真淳古淡泊孰可倫起伏抑揚符至理
情閒手敏妙入神焚香靜聽出塵表昔焉搏拊今衰老
江南巨擘似公無高山流水知音少

曹氏園池行

浙右園池不多數曹氏經營最云古我昔避兵貞谿頭
杖屨尋常造園所炳也欸語愔從容其先來自溫許峰

裕垂系脣二百載發于迺祖雲西翁翁之交游皆吉士

趙鄧虞黃陳杜李

趙文敏鄧文肅虞文靖黃文獻陳監丞杜待制李文簡李昭文

或銘

或記或篆顏華構輦飛耀閭里中堂曰厚德茂存翼室

且可栖琴尊聿求雅志尚貞白玉照彷彿南湖濱

厚且求志

玉照皆堂名

右齋先世手所結祖德有光增古節日長清靜

講玄虛淡然自立止於潔

右古節長清靜玄虛淡然自立止皆齋名

素軒瀟

灑綠陰腴揮塵劇談捫蝨如玄裳長鳴宵警夢玉靈藏

六晝尸居

素捫蝨皆軒名警夢尸居室名

紅杏作花錦千樹簾卷高樓

聽春雨僧臺麓近小蓬萊正是雪月最佳處

聽春雨樓名雪月最佳處

佳處曲折映帶總幽亭潔芳頃步連窪盈忘形絕念閉

息影繙書寫經開遂生索笑石缸水清淺灼灼疏梅封

碧鮮有時怡曠倚闌干九點晚山清且遠

潔芳窪盈息影遂生清淺

怡曠清遠亭名石缸橋名洞房塗墜雪色新瑩可受采無纖塵溫火

試香局盡閣亂雲靄靄中藏春

受采雪洞名雲中春閣名

溝渠流月

金鎖碎緩踏修梁曳環佩露影晶熒夜色澄恍若霞川

躡虹背

流月霞川躡虹橋名

長歌楚誦聲珊珊后皇嘉樹霜丸丹

暖風細香懷晉逸一身眷戀花竹間

楚誦暖香晉逸花竹間皆亭名

卉紛芳四時好竹木幾般栽未了牡丹富貴芍藥奇簪

蔔婆娑木樨老蒼松百尺上衝天幽蘭猗猗被深淵菡

萏解語淨如拭芙蓉弄態嬌以妍孤峰危立當月竇厚

重不遷仁者壽先知稼穡用能勤別畝遺安閱耕耨月

仁壽橋名賓朋滿坐冠我冠投壺散帙聲交歡桂酒椒

遺安堂名

漿麋鹿脯璫觴翠釜琉璃盤運去式微邁留變聞望功

勛等飛電地脈衰疲草樹焦頽垣斷址低昂見廿年汨

沒軍旅中王事馳驅西復東賢郎告代喜賦歸問里尋
隣夢寐同百感傷心淚橫臆復新基構難為力行囊點
檢得舊題時時展讀聊自適老余艤櫂訪曾經狐兔窟
宅鵲鷗鳴獨立斜陽三嘆息泚筆吟就園池行

過太湖

揚州巨浸曰震澤厥功底定存禹跡世傳三萬六千頃
周五百里渺無極誰散羣峰亂碧流七十二點青螺浮
吐吞中吳者八九勢巖直與東溟侔魚市微茫漁屋小

酒旗搖曳楓林老岸花汀草晚離離雲氣嵐光春悄悄
吳越英雄今幾年鷗夷長往終不還龍虎戰爭歸一統
蛟鼉掀舞藏深淵南風破浪船頭響王事有期誠鞅掌
問程已過馬跡山落帆轉入沙掌港萬雉金城路尚遙
爲師宵征寧憚勞後月朔旦無多日玉筍聯班要早朝

過臙脂河

臙脂山頭平劈破一道長谿此中過匠人十萬斧鑿功
疑是六丁天所課危橋挂空若生成石壁千仞開錦屏

兩邊羅列八九里吳艤蜀舩西東征四方職貢紛聯絡
揚子大江風浪惡九重宵旰勞聖心特敕有司亟興作
左通銀墅右沙河滔滔湛湛皆恩波可憐伊昔六代時
無有及斯竟若何老臣挾書朝帝所拭目竒觀喜欲舞
稽首作歌頌神武磨厓鐫刻昭萬古

雲莊畊樂三十韻為升遠賦

海寓封疆近朝廷事業昌千官行政教萬姓務耕桑有
美張文學端然世表章亢宗恢雅量卜地構新莊東面

波通泖南頭澤滙洋九山魚米處一曲水雲鄉氛靄翔
鸞鵠峰岑舞鳳皇田疇平若按畎澮浚如隍徑窄黏蒼
蘚橋低陰綠楊雞豚歸落照鵝鴨戲方塘投老栖身穩
終年引興長程期稽七月候序驗農祥菑播加勤懇芸
培敢怠遑飯休催荷鍤鐘動課移秧襍禊居常織汙邪
戒勿荒螟螣遺種絕秔秣瑞葩香犬吠姿雄猛牛馴力
盛強蠶眠絲吐白麥秀浪翻黃花霧琴尊潤林霏枕席
涼漫浮蓮渚擢爛醉菊籬觴夜雨防衝岸秋風趁築塲

師嗇窮蚤莫歛獲富倉箱覆載恩深感征輸歲謹將艱
難天所鑒報稱理之常里社邀皆去時豐喜欲狂綵衣
娛阿母縹帙教諸郎別墅矜裴相平泉鄙贊皇百花唐
入詠五柳晉流芳昭代能求逸高懷孰可量吾將結隣
並晚節共徜徉

題沈繼先東林小隱

綠楊深處路縈迂此是東林隱者居古屋數楹茗淡若
清溪一曲輞川如風前竹曛能頻灑雨後蔬畦或自鉏

岫色浮空排闥近波光漾日上簾虛攜琴訪友行觀稼
展席呼兒坐釣魚逸興每邀明月飲雅懷常共白雲舒
種花有譜晴多好擢桂無心夢久疎濡筆漫修高士傳
焚香徧讀古人書未辭活計同鳩拙故喜形骸類鶴臞
亦欲放舟尋舊約相期當在早涼初

題雲上張元之溪居卷

清溪流水平雲關處士高標玉筍班虛館數楹愚刻似
好山十里畫圖間風前高柳株株弱沙上羣鷗箇箇閒

煮茗汲清童子小引雛哺果鳥聲蠻斫魚自可開尊俎
肅客何妨響佩環避世武陵同絕境濯纓還許散襟顏

南邨詩集卷一

欽定四庫全書

南邨詩集卷二

明 陶宗儀 撰

南邨雜賦十首

平生耽逸趣久矣謝浮榮計左真鳩拙形臞類鶴清晚
風谿艇釣春雨石田畊此日容衰老徜徉樂太平

屋小長林束邨深四水通睡因閒處熟愁向醉時空鵝
鴨春波綠牛羊晚照紅歲輸公賦足泚筆紀田功

門對山殊遠谿回路覺賒入城因買藥租地為栽花草

草杯盤數悠悠興緒嘉今年官稅急月下響絲車

編圖從入甲養子慮添丁閣筆焚三策攜鉏帶一經語
多隣叟醉妖勝里巫竊俗薄何須較柴門盡日扃

徑微深草沒橋仄亂雲藏簷角聯漁屋離根繫野航雨
餘晴溜碧天迥晚山蒼回首關河隔并州是故鄉

家貧田亦瘦身情禮全疎囊錦新吟藁篋藤舊著書小
童能理櫓稚子學將車何幸無榮辱長年此逸居

客分疎雨去人帶斷煙畊地曠乾坤大心閒景物清樂

材書券賞琴直典衣更歲歲西疇秫深憑送此生

池塘纔半畝浦澈走三江斷壑春煙犢疎籬夜雪厖逍
遙浮晚艇寄傲倚南窗采藥鹿門遠誰能逐漢龐

遙岑浮碧漢長沔護青林地僻人家少泥融虎跡深關
河南北夢風雨短長吟覽鏡憐遲莫鬢髻雪一簪

徑竹霏香細籬花鬪色多捲簾黃犢雨把釣白鷗波清
士攜琴訪諸生載酒過有時香一篆高枕到南柯

南邨後雜賦十首

路直華亭谷林藏處士家
葵松浮雨甲杭秫吐晴葩
時羽肥堪縛谿鱗巨易
義客來留共酌濁酒不須賒

甲第多荒址茅茨獨老翁
杖藜山遠近舟楫泖西東
算色蒹葭外秋聲絡緯中
郊居端不惡此趣許誰同

槿樹成籬落松脂化茯苓
閒開籠鶴柵時過狎鷗亭
汗簡修書史持杯閱酒經
塵纓終不縛何愧草堂靈

谷口蘭宜佩庭前草不薶
畚田栽薯蕷縛架引葡萄
杜甫十分瘦元龍一世豪
賣書買農具作業豈辭勞

道陋循墟曲橋低與岸平風前松子落雨後竹姑生向
此得閒趣自來無宦情烏巾方竹杖林下一田更

江海謀生拙園田引興長徑分黃菊本池種白魚秧
筆營山竈橫琴布石牀俗氛飛不到一曲水雲鄉

草徑牛羊熟雲林鳥雀馴九峰三可攬一室四無隣
世治方為樂身安豈厭貧涼風北窗下未讓葛天民

農事年年在家常頓頓謀拾樵驅赤脚舂粟課蒼頭
屋破何曾補人生本自浮賦歸歸未得長夜夢台州

雨社來巢燕晴衙散蜜蜂蝨書魚繭實透墨麝香濃幽
夢回高枕新詩入短筇一經今白首自怪此生慵
僻壤居偏樂幽懷老自添鍊丹溫候火丸藥捲風簾雨
過魚蝦美春來筍蕨甜長年無一事治世等黃炎

元日試筆次張泉民讀書莊雜興八首

素履安吾分深居去俗嫌襟懷高莫擬材力老逾添翰
古兼行楷經明法謹嚴鶴書還赴隴光耀起幽潛

自將茨覆屋遠勝樹為巢徑曲落花匝谿回浪影交柳

陰維釣艇竹裏搆行庖我欲頻相訪談詞愧草茅

道在寧謀食時清不慮貧弟兄三俊彥天地一閒人攬
鏡菱花曉開尊竹葉春文成五色錦采采濯芳津

松樹曾巢鶴溪流可浣花步鳴蒼玉佩閒鍊紫金沙揮
塵懷王衍橫琴仰瓠已有時因客到沽酒向西家

生平甘淡泊質稟甚清通經史沉潛裏溪山笑傲中夢
游天祿閣詩寄藥珠宮自是神仙骨塵凡迥不同

嬾騎金匱匣喜弄玉參差宇宙清寧日山林老耄時處

中知守節履正在觀頤白髮磻溪釣飛騰未可期

鄉里陳留遠才名二十餘文章宗太史詩法婉黃初避
地僑淞水誅茅結草廬功名諸弟貴問候列華裾

構室延虛白臨書擣硬黃但祈年大有安問世炎涼首
宿堪羞饌芙蓉可集裳壽齡過八十無夢到鵷行

次姚憲僉原禮韻簡明上人古鏡六首

雲棲常自寂蠖屈豈求伸翠竹真如理青山妙色身滌
除三毒火清淨六根塵出定寒宵永明蟾挂碧旻

接流晴灌蒨陟巘畫捫蘿地僻經行少心閒興趣多瘦
筇縣樹底壞衲曬岩阿清盥無餘事因箋證道歌

九山多勝槩此地一叢林石路循清澗茅堂枕碧岑野
狐來聽法游衲問安心虎樹高千尺師寧不嗣音

林日遲遲靜溪雲淦淦輕雜花閒自落幽草細無名慨
我朱顏老傷情白髮明何繇湔垢累問道立前榮

清寂山中景逍遙物外身好茶留客煮香蔴課童紉欲
識空為了還知嬾是真釋門推老宿佛法在彌綸

乾坤容隱逸寒暑互遷推獻果猿殊熟銜花鹿不疑食
餘隨洗鉢梵放輟談詩送客長松下東頭月上時

曹雪林夜宿草堂有詩因次韻

杖屨來相訪柴門倒屣迎好春尊燈綠清夜燭花明每
苦連旬別相踰半日程如今宜盡醉足以慰平生

對雨

立春將一月積雨已兼旬潦水邛邛白愁雲旦旦新世
方期樂歲天豈厭斯民便好驅陰沴陽和被廣輪

元宵

總說春來好春來尚寂寥江山緘媚景風雨過元宵室
白燈光燦鑪紅火力饒杯盤兒女進嬾赴北隣招

游查山

山上有查仙鍊丹井
東眺黃耳家西泰山

四面黃茅合南頭粉堞高丹泉生石甃山趾帶平橋犬
寄華亭信蛇吞戰國豪登臨增感慨落日在林皋

役役

弟妹分離久家鄉信息遲賣書人綢直穫稻雨愆期髮

向愁中白顏從病後衰終年常役役何日是歸時

次郁鈍之韻

多病誰分藥窮愁只著書青郊春雨稼綠樹野人居天地身將老朋游日漸疎寄來詩句好功業復何如

夢游華頂峰題詩于壁

松徑曉停驂朋游只兩三鳥啼烟作障僧坐石為龕訪古人何在探幽我尚堪杏花風日美春色滿江南

詠佳人效香奩

衣皺霞千疊，纓彎玉兩弓。色酣眉黛綠，香膩口脂紅。密約心還怯，多情意未通。黃昏頭嬾卸，繡被象牀空。

著雍執徐之歲三月望後一日率僮僕抵鍾賈山
采薪供爨至四月朔歸每日陰雨

繫船溪水頭，山中成久留。半月總值雨，一身都是愁。哺雛敗簷雀，逐婦深樹鳩。薪采輟夫役，摘蔬薦晨羞。

寄夏原舟時從軍潘陽

分離忽兩春，役役幾艱辛。兵籍何時落，鄉書此日真。乾



坤同是客風雨正愁人望斷渾河遠蕭蕭白髮新

寄題性源上人清影軒

勝地昔曾行雲扉夜不扃長林籠碧瓦明月照朱櫺
世比龍門寺經繙貝葉青開秋敷石榻遲我一揚舲

丙子元日

朔紀庚申始風從甲艮來陰霾低不散天意邈難猜
香縷縈銀燭椒花浸玉醅賓朋交致賀獨我老衰頽

中夜不見月

延桂敞南樓更傳第幾籌玉城衝雨立銀漢拔雲流曲
度霜娥怨談停老子愁相看須隔歲虛過此中秋

十六夜翫月次韻

中秋風雨隔二八正圓時天上清虛府人間太液池飛
騰蟾皎潔翫賞客權奇偏照南村老蕭蕭兩鬢絲

中秋夜陰

自小看明月看來已白頭年年栖逆旅草草過中秋銀
漢金波歛冰匳玉鑑收淒然向今夕嘯咏想南樓

十六夜獨酌

今夕非凡夕
瑤樓影尚彌
纔經一日隔
未覺半分虧
再索新篳酒
還賡昨賦詩
舉杯邀對酌
真足暢幽期

十七夜傷感

四十二年前
今宵最可憐
明蟾徒自好
愛子竟長捐
父母情懷苦
乾坤造化偏
老來頭雪白
不斷夢縈牽

過蕭塘市

不到蕭塘市
流光十五朞
岸傾街甃裂
寺廢梵幢歌
第

宅留荒址垣墉易敗籬相知無一在遺跡動傷悲

閱畊

上國會辭聘南邨且閱畊心安閒自適肌瘦老逾清趣
向琴中得詩從枕上成平生隨造物多幸見升平

龍鍾

吳楚躬親歷關河事熟諳客居淞水上鄉夢越山南豹
變知無及龍鍾愧不堪有時扶短策去就老農談

濯足

濯足咏滄浪南邨住草堂風簷縣襪裊煙艇帶苓簪總
羨畊漁好渾忘歲月長建文開泰運聖德婉軒黃

苓簪
元結

自釋音郎當
益竹籠也

歸途徐邨阻風

徐家邨曠靜柳下泊舟航故國南游遠東風晚更狂歸
心如箭急流水似人忙明日宜興縣長橋酹一觴

簡顧秀才

地偏春自勝市遠客尤稀草閣開清晝航載落暉雜

花晴簌簌輕燕晚飛飛問訊東隣老還容覓釣磯

西湖紀興

浩浩春波闊冥冥夜雨縣笙歌傳別館燈火隔疎煙作
客頻遷次傷時更可憐明朝晴未卜還是醉湖船

五里塘

破屋三家市扁舟五里塘亂波浮落照飢雀聚枯桑氛
侵乾坤戚兵戈道路長漂流無倚著何日定歸鄉

南邨對雨

雨氣連邨白溪流觸岸渾餘寒欺鳥雀清潤溼琴尊修
竹明如洗長楊翠作屯草堂初睡起曳履掩柴門

和鄭南榮韻

煮茶燒落葉掃徑動閒雲水涵溪痕見林疎岫色分
齋居長自掩麋鹿動成羣短屐相過數惟應鄭廣文

癸亥元日

通夕零寒雨開晨吼朔風人惟憂樂異節自古今同故
國丹丘外浮生白髮中力田憂水旱端策問凶豐

元夕

珂里傳柑日金吾放仗時樓臺燈火淡風雨管絃悲術
眩明皇幸儀尊太乙祠千年成古蹟兀坐漫齋咨

過顧城湖

昨行三塔崦今過顧城湖帆正風猶順程遙日漸晡礙
船防斷渚收港認浮圖同往皆良友羈情喜不孤

己卯中秋

移榻近前榮良時引興清雨從晡後散月向夜深明靈

免曾無恙孀娥若有情舉杯邀對酌隔歲好尋盟

中秋

今夕知何夕南軒景趣幽露溥蟾影耀風靜桂氛浮移
榻催鋪席褰簾快上鉤年年催老去又見一中秋

辛巳中秋

海寓樂昇平中秋景象清祗緣人意好轉覺月華明今
歲僉愚顛比隣異死生聽來惟是哭孰更不傷情

兵部遣使

至府府命兩縣僉點身長力壯民丁
應充謂之曰愚顛不下五千餘人

九月朔日庭前白菊開花

尋常重九日難得菊花開
今歲因添閨孤芳亦借魁翠
裘雲掩冉鶴羽雪培隄
三嗅秋香立吟哦待酒來

丙寅中秋

雲開天宇潔玉露滴琪林
靜對中秋月偏傷故國心
半生常作客此夕一霑襟
弟妹書難得窮愁老轉深

十二月望後一日輸粟金山衛

渤海金山小坡陀
草路危城池連斥鹵
部伍雜華夷比

屋屠牛肆高竿賣酒旗
一句愁來過雨雪滯歸期

十月十一日夜夢中賦詩一首既覺忘前四句枕

上足成之

柳風輕娜娜竹雨淨娟娟
有只書千帙無多屋數椽
邨深居自好心遠老相便
載酒谿翁羨桃源小洞天

十月廿六日喜雪分韻得同字

今年方見雪懽喜萬人同
觥巨醕浮綠窗明燭耀紅
煎茶移石鼎理權命谿童
黃竹何須賦休祥兆歲豐

庚辰元日

授歷紀庚辰開元值丙寅五更微見雪兩日便迎春頭
戴銀幡巧門題彩帖新屠蘇循故事殿飲老年人

九月四日遣愁

塵鎖斷絃琴悠悠歲月深遺言仍在耳惡日倍傷心路
隔重泉宵墳封宰木陰臨風耿無語老淚一霑襟惡去聲忌

也月

哭王黃鶴

乙丑九月初十日卒于秋官獄

人物三珠樹才華五鳳樓世稱唐北苑我謂漢南州大
夢麒麟化驚魂狴狴愁平生衰老淚端為故人流

乙丑十月廿八日得鄉人林序班公輔寄聲報舍
弟夢臣沒於道未知月日地所二首

白下相逢日于今十二年江湖俱老矣風雨獨淒然哀
仆從人得殘軀為國捐生兒多不育身後竟誰傳

弟兄惟我在骨肉永睽離王事勤勞日關河夢斷時水
深風浪惡夜靜鼓笳悲號慟嗟何及傷心老益衰

哭馬平主簿夏原威

丁卯臘月十三日卒

詩書承善慶簪組沐恩榮賦命分修短詳刑服重輕平生師友義終古別離情盡掬寒淞水難湔淚眼清

挽陸北岩教諭

辛巳十月廿九日卒

北岩今已矣命也復何仇形影長相弔文章不自謀夢殘蕭寺夕魂返故山秋多少傷心事哀猿哭未休

挽趙雲居先生二首

辛巳九月十八日卒

故國王孫後先生德望隆相將年九十出處浙西東學

本趨庭教醫存濟世功俄然棄榮養哀慟起秋風
吳淞今共客台婺遠相連去國二千里論心四十年故
人將盡矣老淚重潸然修得遺賢傳儲輸太史編

送何伯溫還鳳陽

索居濠水曲歲月共悠悠會面忽今日憐君已白頭關
山來去路風雨別離愁谿上船催發寒潮沒遠洲

開鑪日有感是日始見霜

陽月日云初新霜萬瓦鋪具羞供墓祀熾炭煖寒爐望

望鄉關遠栖栖旅思孤形骸看漸老節序不停徂

挽張雲莊宗禮三首

客邸病縈紆驚憂鬱未舒紫杪函蛻骨白下返靈輿故
里千年別浮生一夢如莫雲莊上些山雨竹樓虛

嫁殃遭太守簿錄降將軍短景燈餘燄繁華水上雲賢
愚誰復辨玉石竟俱焚次第修言行他時表墓文

嗚呼吾友沒相望去程遙遺恨孤慈侍清魂入大招諸
兒銅鼓衛一穴鳳山椒淚灑西風裏交情永寂寥

洪武癸酉正旦雨明日雨中夜雷電又明日雨四
日陰曠嚴寒西北風大作口號

迎春半月先寂歷過新年雞狗羊猪忌風雷電雨全玄
冥雖代謝陽德未昭宣有待陰霾散乾坤始泰然

九日雨

三年元日雨今雨欲經旬洋海開塗者金山餽粟人體
寒衣綻裂腹餒食艱辛上帝垂慈憫晴暄振困貧

二月六日雪

春半三番雪田更誦里謠一年防暴水九月定盲飈色
妒梅枝瑩花黏蜨翅消暫時成凜冽玉燭自能調

田家五行

云二百五日
主有風潮

庚午七月三日大風雨視丁卯歲為尤甚獨松江

若此他郡無有也

雨從朝起驟風到夜深狂仆屋搖坤軸漫江徧海鄉喜
無秋旱暵未卜歲豐荒較彼前三載而今勢益強

六月廿九日喜雨

六月三旬旱炎威酷吏猶廿年無此熱一雨近初秋田畝塵隨伏禾苗病向瘳豐登還可望生計尚堪謀

二月朔夜中雷始發聲三日寒載嚴雪大作

前夜起雷聲寒威刃發研積陰春黯慘密雪晝飄零香褪梅腮白愁絨柳眼青擁爐頻熾火不似肉為屏

七月三十日雨

半月值秋晴涼生枕簟清嘉禾方孕秀甘雨又滋榮造物功難報斯民樂有生輸租庾責了倉庾定充盈

洪武丁卯臘月癸亥雪

六花凝瑞白已見臘前三寒色清逾烈羈懷老不堪窮
陰連漠朔豐稔在江南驢背谿橋客煎茶恐未諳

臘月初二夜雪

吼樹朔風雄寒欺繡被重地浮銀渤澥山吐玉芙蓉瑞
象標初臘歡懷慰老農歲登端可卜百穀徧提封

十二月十三夜雪

滕六夜停驂乾坤玉氣涵樹膚寒擁腫松髮白盤髮驢

背吟何苦壚頭飲正酣隔牆農父語喜見臘前三

正月十二日雪

立春纔二日撩亂雪花飛陰晦雲同色嚴凝曉肆威擁
爐頻熾火對酒趣添衣德澤終當布斯民莫歎歎

至日聽雨

至日聽寒雨今宵憶向曾漏催銅史箭花炮木奴銍愁
壘堅難破騷壇峻可登苦吟無好語白髮已鬢髻

甲子又晴

田家春甲子分外要清明水旱因從卜休祥亦可旌明
年期大稔今日喜長晴為報西疇老知時好力耕

元宵雨

三五元宵節連年氣候同漫天來暮雨吼地起南風燈
火樓臺寂笙歌巷陌空金吾徒弛禁清坐愜深衷

連日積雪釀寒曉起見雪臘月十一日也

四野話豐年三番見臘前意從多日厚色瑩六葩妍谿
艇因思汎鑑茶趣埽煎老翁無此興擁火醉陶然

九月廿七日

九月三旬裏渾無幾日晴軒墀簷雀浴農室竈蛙鳴點
滴疑天漏汪洋覺地平烟蓑樵水稻此去若為生

和董良史憲僉西郊草堂雜興八首

杏花春雨映谿堂不異當年碎錦坊重碧破除千萬事
硬黃臨寫十三行粉榆夾道陰連屋魚鳥親人水滿塘
覓句有時成久立草茵藉坐槿籬傍

西郊闢地構名堂絕勝南邨小柳莊得意四時從嘯咏

讀書萬卷保行藏
雕胡米滑甘於粟
蒿苳苗肥綠似秧
野飯菜羹皆適口
一真滋味靜中長

清谿脈脈抱虛堂
新竹娟娟過短牆
問柳尋花春事晚
投壺散帙午陰涼
時將芳糗充魚餌
歲會香秔備鶴糧
如此閒情真自適
可無幽夢入鸛行

老來歲月去堂堂
夙佩君恩不敢忘
炎漢辭官容廣受
聖朝立極過軒唐
秫田春雨租牛種
茗盃涼風對鶴嘗
清興有時吟不了
天邊羅立九山蒼

日長雙燕語深堂樹木參天枕簟涼龍德光明今宇宙
犬牙相制古封疆人麀俗厚宜栖止歲泰時康匪禴禳
我亦有家歸未得浙江東去路微茫

吟成池草坐西堂胸次悠然隘八荒靜悟游魚投餌急
閒看飛燕葺巢忙采山釣水唐人愿長子生孫漢吏倉
高尚循良同一致要令身世保平康

蕭蕭落木護秋堂白版為扉掩夕陽塵垢不沾頻灑掃
稻粱已熟漸收藏攝生未用芝和朮具饌能無芥與薑

一榻清風渺千古看他奔走為人忙

執經弟子早升堂客至何妨卧下牀家世澤流遺牒在
御爐烟染賜衣香錦囊縹帙新增集玉軸牙籤舊補亡
鄰舍相邀長是醉此身終老白雲鄉

次韻寧熙中上人姑蘇紀游十首

華山阻雨

東南風急布帆輕長涉西來第一程此日忽逢春暮雨
何人不望客中晴烟縈朶朶鬟凝碧石溜濺濺玉奏聲

且向華山谿口泊推蓬滌研寫幽情

喜晴

澹霧冥濛日晏升攬衣遙見闔閭城十分天氣依然好
一色波光遠近明紫燕將雛花上語錦鳩呼婦樹頭鳴
道傍農父交相慶菜麥青青喜快晴

山行偶興

鬼護神呵兩怪松晚晴長阪綠陰濃泉聲噴壑谿東走
嵐氣涵空日下春毫楮出奩題好句杖藜到處發奇蹤

近來蠟得登山屐擬約重游意未慵

遊天池

雨餘弭櫂釣磯頭一錫翩翩縱遠眸翠壁石蹲形似虎
龍淵雲墮氣如牛人間幻出三千界天上移來十二樓
更陟層巔窮睇盼只疑咫尺是瀛洲

遊靈岩

靈岩拔起拱諸峰林壑深幽與昔同誰念夫差罷敝後
莫逃范蠡計謀中彈琴石老落花紫響屨廊空夕照紅

里叟不諳亡國恨至今猶說館娃宮

遊天平

樹木沈沈翠作堆
瘦筇緩步首頻回
天平山水真佳矣
文正祠堂亦壯哉
碧落高寒超下界
白雲清煖隔浮埃
長懷往事成悽斷
為讀殘碑別薜苔

遊南峰寺

昔遊曾記與諸賢
藉草高談雪滿顛
白鶴青驄開士逝
丹崖碧岫野花然
虎丘東去無多地
龍脈西通第二泉

長欲攜書此中住自隨春雨種山田

沈一菴山居

嬾性生憎世累縈功名從此不相能
堂成自可同蘭若客至何妨話葛藤
儀宇如如瑤圃月心懷炯炯玉壺冰
扁舟早晚相尋去湖上羣峰取次登

宿觀音寺

錫杖尋幽四月交山中地位總清高一庭蘿月縣金鑑
萬壑松風響翠濤雲臥已知隨處好浪游無愧此生豪

上方夢覺清如洗，況是鶴鳴從九臯。

尋僧不遇

肩輿伊軋度嶽岑，義重宗乘故遠尋。
澗雨收時花作陣，岩扉掩處筍成林。
蒲龕香歇閒清晝，石鼎煙銷鎖綠陰。
那得相逢話疇昔，嗟哉時序百年心。

張建寧賦詩見寄次韻四首

移家住近府城東，簾捲垂楊燕子風。
幽夢時驚棋局外，好懷日付酒杯中。
喜於靜室觀虛白，倦向通途踏軟紅。

老我無能甘寂寞谿山還欲與君同

十年仕宦厭馳驅隨例歸休始定居門巷每來君子履
杖藜閒過野人廬錦心繡口三都賦玉軸牙籤萬卷書
別有高情真自適或時孤櫂或巾車

文采風流果謫仙乾坤汗漫興飄然銀章朱紱承殊渥
檣楫蘭舟濟巨川兄弟喜看三薛在古今誰似二疏賢
朋游散落曾無幾童稚情親到暮年

赤霄丹鳳邈難儔鷗鷺為朋只浪游田里清淳依谷水

關河迢遞隔台州西風采采黃花晚落日離離碧樹秋
白髮催人傷老大少年聲價落青樓

次韻答張林泉五首

憶昔交游各少年君年八十愈昂然幅巾短杖林和靖
斗酒長篇李謫仙修竹簷前香細細落花風外影蹉蹉
有時飯罷無餘事展席科頭自在眠

繪像耆英古有堂先生鬢髮已蒼浪寫書簡竹枯鮮碧
臨帖牋藤擣硬黃潮汐去來谿一曲垣墉周匝樹千章

執經弟子皆循飭道統真傳邇紫陽

倦草淮南大小山此身長與白雲閒
南鄰北舍相歡洽西陌東阡自往還
筆勢縱橫驚雨驟文詞奇古發天慳
幾時共剪西窗燭尊酒高談一破顏

百年孤抱歲寒心不覺頭顱雪滿簪
梧陌鼎烟時瀹茗石牀衣露夜橫琴
水雲深處成真賞風月良辰動苦吟
欲訪郊居曾有約桃花浪煖一篙深

枕流漱石豁煩襟日月容光實照臨
御筆曾題田氏宅

王門真聽戴逵琴明經教子傳家學買宅租田罄索金
壽格期頤能有幾垂垂白髮送光陰

次韻答陳祠部景祺三首

傳家謹護一氈青膝下兒孫歲歲增松頂雲開晴放鶴
谿頭潮落晚移簷堂臨綠野從行樂路直青霄定立登
幾欲拏舟尋舊約望窮煙樹碧瀾層

碧海雙金遠送青對之詩思晚逾增庭前洗竹閒留鍤
池上叉魚不用罾錦里角巾唐杜甫蘇門長嘯晉孫登

羨渠伯仲幽栖處又隔風塵幾百層

海中有大金
小金二山

錦樹離離海氣青
歲年大稔粟加增
僕夫緯繅修魚箔
童子紉絲結蟹簪
北舍南鄰相往復
東臯西疇自臨登
香浮缸面新醅熟
膾切鱸肥玉作層

新春風雨次陸北岩韻三首

博山沉水裊輕烟
歲旦常儀總粲然
笠屐賓朋來雨外
盤觴兒女列堂前
梅驚朔次朝猶落
柳怯春寒晝未眠
盥手正襟端策問
今年還可種圭田

江南風雨見何曾十日都無一日晴
曉起暫看新歲歷
老來偏動故鄉情
良辰美景須花柳
妙舞清歌待燕鶯
喜有山林容我輩
共將詩酒樂文明

鳥車載鬼過遙天
白雨淋浪雜翠煙
喜咏久無工部老
禱祈未用玉堂仙
世情簡淡非今日
春色淒迷似去年
風景不殊鄉邑遠
夢歸夜夜浙江船

次韻答山泉上人曦

綠谿野徑僻通邨
百尺梧桐翠長孫
海色曙凝生白室

香雲晴護牧閒園額輝郡乘招提古名重鄉評行業尊
近掣藏玉翻般若何當聯席興精論

海曙軒香雲室牧閒園皆上人扁名

次陸北岩韻二首

廬外圭田二畝強鄉隣傭力為移秧百年岡壘衣冠閥
一徑楸梧雨露涼天地無情身老大山林有分髮蒼浪
急流勇退人爭羨喜見春風日載陽

畎畝高低絡翠徑樹林茂密列雲屏水邨沙路迢迢白
茅屋炊烟處處青谷口樵歌西日暝岩頭虎嘯晚風腥



先生歸也山居靜童子篝燈月半局

嚴寒次栗隱德上人韻二首

雪留十日未都消盡閣娛情遣寂寥
茶敵睡魔浮玉乳
酒烘吟臉暈紅潮
雕盤異饌明妝捧
寶鼎沉香烈火燒
應有窮途飢凍者
一般風景不同條

匡牀燕坐坎離交
冰綴霜髭口欲膠
煖老正宜絲作毯
逸居那敢樹為巢
飢禽戰羽時僵仆
猛虎摩牙夜噉哮
造物屈伸端有數
醉歌自把唾壺敲

登千山次林泉徵士韻二首

水作已蛇走澱湖山蟠天馬載浮圖重重桑柘平原近
閃閃烏鴉落照晡林廟幡鐙祠岱岳江城雉堞帶東吳
歸心自是愁如織只怕游人唱鷓鴣

千山一名天馬山下有平原邨

欲學當年乞鑑湖鵬程九萬阻南圖望窮海上天無際
倚徧闌干日未晡一代衣冠成二老百年藜杖寄三吳
南邨亦有林泉趣春雨聲聲聽鷓鴣

周萬竹知紹興府日其家梅花盛開西賓張林泉

作詩寄之及簡越上諸友因次韻二首

南枝向暖競先開
何處人間有玉臺
冰艷雪臞渾好在
月香水影入詩來
逋翁湖上清魂返
仙子羅浮小仗回
寄遠慎毋多折却
使君調鼎待鹽梅

麀經家學保青氈
文采風流藝且賢
池草西堂生夢裏
官梅東閣到吟邊
會稽望去無多路
朋舊別來今幾年
見說蘭亭只如昔
勝游須在莫春天

次胡安州韻

宦成歸老有餘暉
吟苦從教帶減圍
卜構北山欣地僻
閱畊南畝慮年饑
雲霄孤鶴盤旋過
野水閒鷗自在飛
炎暑困人多病渴
寄言莫怪往來稀

萬山遺叟以所作中秋重九二詩見示諸公和之
已多勉強效顰二首

高礪長空玉一輪
娟娟零露洗浮塵
良宵又值中秋節
老我堪憐百歲身
對酒漫忘誰是主
賦詩那有語驚人
據牀談咏還多興
沈浸清光景思新

重陽佳節無風雨倦客他鄉憶水丘采采黃花人送酒
迢迢碧漢鴈橫秋喜無敗興催租者自有循谿蕩楫舟
底用登高方足樂嘉賓三兩醉還休

五月朔

老圃乘涼起歎嗟孤標底事便開花石榴明處朝同采
紅藕香中酒漫賒畫舫沅湘懷屈子薰風庭館屬陶家
也知不為趨炎出莫忘清秋興緒嘉

次夏西疇韻

亂餘及見太平年聖主龍飛地幅員父子戍邊歸未得
公侯下士禮彌虔中天孤月應同照尺素雙魚孰為傳
昨夜釭花頻送喜好風吹墮白雲篇

題德如海上人聽松軒

定起忽聞風雨生危枝只恐鶴巢傾蒼虬鼓鬣噓天籟
翠浪掀空送海聲一派笙簧秋淅瀝千官環珮玉琮琤
我家亦有閒庭院不及山窗分外清

寄題陳孟文叢碧軒

一室蕭閒竹裏安。綠波洗出萬琅玕。雲深競舞青鸞瘦。
簷曲長霏翠雨寒。三徑清風人楚楚。五車汗簡墨珊珊。
何當直造談玄處。展席涼陰搗月團。

小游仙詞雪後一日甲子作

瑤池謫降小真仙。只在人間二八年。長日沈沈緘秘緒。
浮生草草厭塵緣。一函遺蛻寒瑤隕。五夜清魂顥氣縣。
鸞鶴啟途幢節擁。碧霄如洗月嬋娟。

借韻答清谿邵先生

西泖移家住北邙謝庭蘭玉見玄孫門前料理桑麻圃
雨後栽培杞菊園象齒叢籤書列度松花釀蜜酒盈尊
平生不飲惟留客翰墨詞章熟考論

借韻答宗高王祭閣

蕭然一室數家邨籍甚三槐幾葉孫詩句驚人師杜甫
妍詞落簡客梁園承恩出牧年方妙謝事歸休道益尊
不覺數年成闊別老懷耿耿與誰論

借韻答牧菴上人謙暨無心野人

南邨差似浣花邨，慚愧山中宰相孫。
獨抱遺經畊壟畝，病辭束幣老丘園。
此生空忝諸公後，舉世何如見佛尊。
翠竹黃花真妙理，清風明月不須論。

七夕次萬山韻

瓜果中庭漏點深，露花零亂滿琪林。
曝書偶忘今朝是，乞巧欣逢此夕臨。
雲馭瑤池靈剌剌，星梁銀漢影沈沈。
人間天上同欣樂，只有悲蛩語不禁。

登超果寺一覽樓次林泉民韻

層樓明敞奠松關，萬里蒼茫指顧間。
地絡泖茸羅梵塔，天低溟渤獻神仙。
寶陀像設金千鎰，瑞井光涵玉一環。
倚徧闌干吟未了，伽陵風細韻絲蠻。
宋治平初錢武肅王所奉觀世音像至淞江禮塔匯光燭于超果寺之金鰻井絲是迎像至焉井今名曰瑞光

次韻答邵青谿先生

藜杖烏紗過百年，童顏鶴髮氣泠然。
窩尊安樂元通譜，壺隱虛閒別有天。
課稼春行黃犢外，尋盟時到白鷗前。
青谿一曲春如許，二頃何須負郭田。

雪次陸靜菴韻

剪剪寒風勢轉嚴
六花撲簌綴高檐
螳醅銀瓮人微醉
獸炭金爐妾慣添
大地一方調玉燭
遙山九點詫形鹽
明朝擬向西園賞
四敞罽毼卷毳簾

胡萬山脚氣陸北岩遺詩問訊因次其韻

見說新秋仍病痺
南州土溼暑熏蒸
耳邊愁聽三江雨
胸次清涵萬壑冰
臥起東山今謝傅
嘯聞半嶺昔孫登
北岩老子題詩寄
愧我才疎闕剡藤

感懷次韻

數椽茅屋稱幽居環堵蕭然日著書
隣曲往還忘主客林泉映帶樂禽魚
一經闡教韋丞相三策成名董仲舒
自愧無能空白首子孫便好問畊鉏

中秋翫月次胡萬山韻

東頭湧出爛銀盤簾卷南榮仔細看
秋氣平分宵寂寂涼輝十倍露漙漙
阿魏藥臼敲清杵素女霓裳跨白鸞
欲折丹葩向高處瑤樓玉宇不勝寒

次張林泉韻

潛化芝蘭四十春，多君文采玉為人。
青燈風雨思還共，白髮江湖老更親。
東漢獨高嚴瀨客，西疇自擬葛天民。
滄江今日同畊釣，竊景前賢託此身。

次韻答胡別駕

避地僑居泖水濱，相看白髮興時新。
好山登眺無多處，榮宦歸來有幾人。
雞黍會多談笑數，芝蘭氣合性情真。
算年我輩須行樂，莫遣蹉跎過一春。

正月二十有六日余與邵青谿張林泉會胡萬山
夏雪蓑俞山月高彥武張賓暘于余北踰嶺而
南訪陳孟剛席上分韻得船字

桃源只在人間世三老相逢莫問年清晝喜陪多士集
紫霄只恐德星躔香蒸雲液行璫掌花簇珍羞飮綺筵
一櫂歸來潮正落谿頭好似米家船

題張惟德清逸軒詩卷

結廬自愛南邨好盡日蕭閒遣興長一榻松風茶在鼎

半簾谿雨酒盈觴
遙岑爽氣朝來致
小徑黃花晚節香
聞道層軒清且逸
我將過汝共徜徉


過沈汝舟故居次范宏遠韻

不見幽人左太沖
鶴歸遼海蕙帷空
敗垣踟躕春酣日
老樹鴝鵒夜嘯風
怪事書空千載一
長干作客幾人同
可憐滿眼淒涼淚
都付詩篇感慨中

次萬山韻

風雨江湖雪滿頭
斗南名士總交游
山林已自無多在

我輩真成第一流
折簡招邀春釀熟
策筇來往野情幽
年年無事長相見
底用尋盟到白鷗



南邨詩集卷二